

**UDRUŽENJE NEUROHIRURGA U BIH
УДРУЖЕЊЕ НЕУРОХИРУРГА У БИХ
UDRUGA NEUROKIRURGA U BIH
THE ASSOCIATION OF NEUROSURGEONS IN B&H**

**Ul. Bolnička 25, Sarajevo, 71000, Bosna i Hercegovina
Tel. +387 33 297 222; Fax. +387 33 297 820
E-mail: genijana@gmail.com, dr-skomorac@kbze.ba
www.neurohirurgija.org**



ZAPISNIK

SA 15. REDOVNE GODIŠNJE SJEDNICE SKUPŠTINE UDRUŽENJA

Sarajevo , *Hotel Holiday*, 25. juni 2022. god, 15:00 sati

Prisutni članovi Udruženja: Doc. dr Ibrahim Omerhodžić, kao predsjedavajući (dalje: IO); dr Almir Džurlić, sekretar Udruženja (ADŽ); Prim. mr. dr. Eldin Burazerović, blagajnik Udruženja (EB); Prof. dr Harun Brkić, član nadzornog odbora (HB); Prof. dr Rasim Skomorac, član Nadzornog odbora (HB); Prim. mr. dr. Aldin Jusić (AJ) član Upravnog odbora; Mr. dr Salko Zahirović (SZ), delegat UNUBiH u EANS-u; dr Fahrudin Alić (FA); dr Adnan Čičkušić (AČ), kao aktivni članovi i zamjenski delegati u Skupštini.

Prethodno usmenu saglasnost na odluke većine dali su delegatima: Prof. dr Vjeran Saratlić; Prof. dr Mirsad Hodžić i Doc. dr Goran Lakičević i Mr. dr Adi Ahmetspahić, prisutni danas na BHAAAS Simpoziju, te odsutni članovi Skupštine Doc. dr Zlatko Ercegović, Mr sci dr Selma Jakupović, Dr sci Dželil Korkut, Doc. dr Mirza Moranjkic i Doc. dr Hakija Bečulić, koji su izostali zbog obaveza prema neurohirurškoj služni u svojim ustanovama.

Nakon što je potvrđen kvorum, pristupilo se usvajanju Dnevnog reda i nastavku sjednice po istom.

Sjednicom Skupštine predsjedava Doc. dr Ibrahim Omerhodžić koji je i otvara te predlaže slijedeći

DNEVNI RED

1. Izvještaj o radu UNUBiH za protekli mandat (2018.-2022.) sa akcentom na proteklih 6 mjeseci, od posljednje sjednice Skupštine. – IO,ADŽ,EB
2. Finansijski izvještaj (2018.-2022.) - EB
3. UNUBiH na EANS 2022. - ADŽ
4. UNUBiH na WFNS 2022. - ADŽ
5. BHAAAS Neurohirurški simpozij 2022. - IO
6. Izborna skupština UNUBiH - juni 2022. - Svi
7. Informacija o procesu izmjene cjenovnika neurohirurških usluga – IO,RS,MH
8. Informacija u procesu uspostave novih subspecijalizacija iz neurohirurgije – IO,HB
9. Predstavljanje novih neurohirurga – specijalizanata – FA,AJ
10. Razno

Predloženi Dnevni red je prihvaćen.

AD 1. Izvještaj o radu UNUBiH za protekli mandat (2018.-2022.) sa akcentom na proteklih 6 mjeseci, od posljednje sjednice Skupštine

IO je u ime Upravnog odbora podnio taksativan izvještaj Skupštini za protekli mandat 2018.-2022, a potom nastavio detaljan, o aktivnostima Udruženja sa akcentom na posljednjih 6 mjeseci. Obzirom da su na ranijim sastancima detaljno usvajani godišnji izvještaji, Skupština je odlučila staviti težište na posljednjih pola godine. Za ovaj period posebno je istaknut napredak u saradnju sa Azijskim Udruženjem Neurohirurga (ACNS), ogledan i kroz organizaciju dva online webinaru, u januaru i maju 2022., te zakazanim trećim webinarom u septembru 2022 god. Pozvani su svi članovi UNUBiH da se aktivno uključe kao predavači i/ili moderatori na ovim sesijama. Udruženje na ovaj način postaje regionalni lider u saradnji sa ACNS, a kao goste-države susjede poziva na webinaru te iz istih uključuje neurohirurge kao aktivne participante. Do sada su gosti bili NH iz Crne Gore, Albanije, Makedonije, a pozvani su Hrvatska, i Slovenija, te su u planu za naredni period Srbija i Turska. Skupština je pozdravila ovakav angažman Udruženja. Neposredno pred početak sjednice Skupštine došla je i obavijest (email, na ime IO) od Predsjednice ACNS Prof. Yoko Kato iz Japana, da će podržati rad Udruženja sa 5000 USD, sa akcentom na YNS. Odlučeno je da se po prispjeću sredstava na račun Udruženja, Upravni odbor izjasni o načinu utroška odnosno raspodjele istih.

Dalje je naglašen je napredak Udruženja na međunarodnom planu, te prepoznavanje Udruženja i njenih članova od vodećih evropskih i svjetskih neurohirurških organizacija (EANS, WFNS...) kao najprominetnije „malobrojno - 50“ evropsko Udruženje. Preporučeno je nastavak ovakvoga pozitivnog kursa rada. Na kraju diskusije IO i ADŽ su u ime Upravnog odbora predložili izvještaj Skupštini na usvajanje što je jednoglasno i prihvaćeno. Prešlo se na drugu tačku Dnevnog reda.

AD 2. Finansijski izvještaj

Prim mr. dr. Eldin Burazerović je podnio finansijski izvještaj Udruženja. Napomenuo je da je ostvarena značajna finansijska stabilizacija Udruženja, te da Udruženje uredno izmiruje svoje obaveze prema Evropskom društvu i dr., te u skladu sa Zakonom podnosi finansijski izvještaj nadležnim državnim ustanovama i da se isti može pogledati i preuzeti sa stranice Ministarstva pravde BiH. Predložen je izvještaj Skupštini na usvajanje što je jednoglasno i prihvaćeno.

Stanje računa UNUBiH kod Raiffeisen Bank je na dan 20.6.2022. god. = 4,529.23 KM.

AD 3. UNUBiH na EANS 2022

IO i ADŽ su izvijestili članove Udruženja da je dr Fahrudin Alić završio četvorogodišnji EANS kurs te položio završni ispit, što je propraćeno čestitkama i pozitivnim komentarima. Usaglašeno je prisustvo članova udruženja na EANS kongresu u Beogradu 2022. god. uz prezentaciju nekoliko radova.

AD 4. UNUBiH na WFNS 2022

ADŽ je referisao učešće i aktivnosti Udruženja na WFNS-u u Bogoti iz marta 2022. god. Napomenuo je da je rad Udruženje prepoznat i od strane WFNS-a. Prof. Skomorac kao delegat UNUBiH u WFNS-u je izvijestio o aktuelnim dešavanjima u WFNS-u, obzirom na sjednicu WFNS-a koja je održana isti dan kada i skupština UNUBiH.

AD 5. BHAAAS Neurohirurški simpozij 2022

IO je naglasio značaj BHAAAS simpozija koji se održava već 13. put, a čiji je suorganizator UNUBiH. Ovogodišnji je ocijenjen vrlo dobro organizovanim i posjećenim, te je podržan nastavak saradnje sa BHAAAS.

AD 6. Izborna skupština UNUBiH

Sekretar Udruženja dr Almir Džurlić je pročitao pristigle, u tabeli niže pobrojane i članovima Skupštine dostavljene prijedloge za imenovanje na pozicije članova UNUBiH te u tijela unutar Udruženja i delegate ispred UNUBiH u međunarodnim neuroh. institucijama. IO je predočio izvještaj Skupštini, naglasivši da su prijedlozi došli iz matičnih neurohirurških kuća mailovima, porukama i usmeno, te da se sada iznesu eventualni dodatni prijedlozi. Prezentirao je raspoloženje da se ne kandiduje za novi mandat, te je zamolio da se neko kandiduje za Predsjednika, obzirom da je za to mjesto došao samo jedan prijedlog iz UKC Tuzla. Informirao je prisutne o prethodnoj komunikaciji sa Prof. Mirsadom Hodžićem, te o eventualnoj kandidaturi MH za predsjednika. Također je obavio tokom dana razgovor i sa Doc. Goranom Lakičevićem i Prof. Vjeranom Saratlićem, koji su zbog ranije preuzetih obaveza, danas ranije morali otići sa simpozija i nisu prisutni na Sjednici. Isti su dali svoje prijedloge, prihvatili predložene pozicije na koje su kandidirani, te dali podršku radu današnje sjednice Skupštine i odlukama većine.

Usljedila je diskusija. Prof. Brkić je iznio stav da su u Tuzli razmotrili sve opcije, te su zaključili i mailom ranije poslali prijedlog da raniji Predsjednik, Sekretar i Blagajnik, obzirom na dosadašnje dobre rezultate, nastave svoj rad u još jednom mandatu (4 godine). Predstavnik KB Zenica Prof. Skomorac, je podržao prijedlog. U diskusiju su se uključili i EB, AJ i FA. Dosadašnji predsjednik je na kraju prihvatio kandidaturu, uz napomenu da ukoliko u bilo kom trenutku mandata neko od aktivnih senior članova UNUBiH izrazi želju da vodi Udruženje, odmah će zakazati Sastanak Upravnog odbora, staviti mandat na raspolaganje i pokrenuti proceduru novog izbora u skladu sa Statutom. ADŽ i EB su na koncu i sami prihvatili kandidaturu.

Obzirom da nije bilo novih kandidatura, usaglašeni su slijedeći

Prijedlozi za Izbor članova tijela i delegata UNUBiH

Po prijedlogu iz UKC Tuzla – produženje mandata kako slijedi: Predsjednik UNUBiH Doc. dr Ibrahim Omerhodžić; Sekretar dr Almir Džurlić; Blagajnik Prim. mr. dr Eldin Buazerović.

Prijedlog je stavljen na glasanje i usvojen jednoglasno.

Usaglašeni su dalji prijedlozi, po ranije dostavljenim kandidaturama:

Skupština (ukupno 20 članova)

Banja Luka , 3 člana	Naknadno će biti potvrđena imenovanja
Bihać , 1 član	M. Selimović
Foča , 1 član	V. Saratlić
Mostar , 2 člana	G. Lakičević, M. Bošnjak
Sarajevo , 6 članova	E. Burazerović, I. Omerhodžić, A. Džurlić, S. Zahirović, A. Ahmetpahić, B. Rovčanin

Tuzla , 4 članova	M. Hodžić, Z. Ercegović, S. Jakupović, Dž. Korkut,
Zenica , 3 člana	F. Alić, A. Mašović, N. Ekinović

Upravni odbor (4 člana + Predsjednik)

Banja Luka	Prof. dr Vesna Ivanišević
Mostar	Doc. dr Goran Lakičević
Tuzla	Prof. dr Mirsad Hodžić
Zenica	Prim mr. Aldin Jusić
Predsjednik Udruženja, Saraj.	Doc. dr Ibrahim Omerhodžić

Nadzorni odbor (ukupno 3 člana)

Foča	Prof. dr Vjeran Saratlić (ujedno i predsjednik Nadzornog odbora)
Tuzla	Prof. dr Harun Brkić
Zenica	Prof. dr Rasim Skomorac

Delegati UNUBiH u EANS (ukupno 3 delegata)

EANS General Assembly (2)	F. Alić, S. Zahirović
EANS Training Committee (1)	I.Omerhodžić, (+zamjenski članovi F. Alić i S. Zahirović)

Delegati UNUBiH u WFNS (ukupno 3 delegata)

WFNS General Assembly senior, second i alternate del.	R. Skomorac, Z Ercegović, E.Hajdarpašić
--	---

Gornji prijedlozi su stavljeni na glasanje i jednoglasno usvojeni.

Jednoglasno je donijeta odluka za imenovanje koordinatora Udruženja i to:

Koordinator za izdavaštvo: Doc. dr Hakija Bečulić

Koordinator za saradnju sa ACNS: Mr. dr Adi Ahmetspahić

Koordinator za saradnju sa AANS: Prof. dr Kenan Aranutović

Koordinator za aktivnosti mladih neurohirurga (YNS, do 10 god., nakon položenog specijalist. ispita). dr Bekir Rovčanin

Jednoglasno je usvojen prijedlog za dodjeljivanja statusa počasnog člana, profesorici Yoko Kato iz Japana.

AD 7. Informacija o procesu izmjene cjenovnika neurohirurških usluga

IO je izvijestio da je napravljen zajednički prijedloga novog cjenovnika neurohirurških usluga na nivou FBiH, u konsultaciji neurohirurških jedinica iz Sarajeva, Tuzle, Zenice i Mostara, dominantno po ranijem prijedlogu Prof. M. Hodžića i tima iz Tuzle, a bazirano i na DRG. Prijedlog je putem menadžmenta bolnica prosljeđen Federalnom ministarstvu zdravstva u proceduru usvajanja.

AD 8. Informacija u procesu uspostave novih subspecijalizacija iz neurohirurgije

IO je informirao Udruženje o posjeti FMNO, glavnoj pravnici, te trenutnoj nemogućnosti priznanja ranijeg staža i doktorata u subspecijalizaciju, kako je to ranije bio slučaj.

Obavljena je konsultacija vezano za zakonske okvire uspostave četiri nove subspecijalizacije, uz postojeće dvije (CV i Baza lobanje). Sugerirao je da NH zajednica u BiH, konkretno UNUBiH, treba pratiti trendove na nivou krovnog kontinentalnog udruženja neurohirurga –

EANS, čiji je punopravni član, a vezano i za buduće usklađivanje NH specijalističkog i subspecijalističkog programa.

Iznio je činjenicu da EANS danas prepoznaje devet različitih „subspecijalističkih sekcija“ odnosno programa i to: vaskularna NH, baza lobanje, neuroonkologija, radiohirurgija, funkcionalna NH, pedijatrijska NH, (kompleksna) spine, (neuro)trauma, hirurgija perifernih nerava.

Predložio je da se sada ide u dva pravca.

Prvi je prijedlog određene korekcije ranije u Ministarstvu usvojenih curriculuma za subspecijalizacije CV i bazu lobanje, jer su isti formulisani tako da je jako teško ostvariti uslove (uključuju duži boravak u inostranstvu, nejasno definisano mentorstvo i sl.). Također je potrebno u program CV uvrstiti i endovaskularni tretman kao ekvivalentan model tretmana, ili eventualno formirati potpuno novu subspecijalizaciju.

Drugi pravac je formiranje četiri nove subspecijalističke neurohirurške grane i to: neuroonkološku, pedijatrijsku, spinalnu te subspecijalizaciju iz kompleksne neurotraume sa intenzivnim neurohirurškim menadžmentom.

U narednoj fazi se može pristupiti i izradi prijedloga za formiranje programa subspecijalizacije iz funkcionalne NH, radiohirurgije i hirurgije perifernih nerava.

Doc. Omerhodžić je predložio da se naprave radni timovi unutar UNUBiH, najbolje iz reda zainteresovanih mlađih, te iskusnih senior neurohirurga sa jednim od nastavnika neurohirurgije na čelu, koji će pripremiti prijedloge odnosno napisati curriculum za predložene izmjene postojećih te formulaciju četiri dodatna programa subspecijalizacije. Prijedlozi bi potom bili razmotreni i usvojeni od strane Upravnog odbora Udruženja, te kao takvi, prosljeđeni prema FMNO.

Nakon diskusije po ovom referatu, informacija i prijedlog su prihvaćeni.

AD 9. Predstavljanje novih članova UNUBiH, napredovanja neurohirurga te novih specijalizanata

Predočena je informacija da je dr Hakija Bečulić promoviran u docenta na Univerzitetu u Zenici, da je dr Fahrudin Alić (prisutan) položio pismeni ispit za EANS diplomu iz neurohirurgije, te da se u UNUBiH učlanio i platio godišnju članarinu dr Faruk Alagić, specijalizant 1. god. iz KB Bihać.

AD 1. Razno

Prim. Burazerović je sugerirao bolju međusobnu saradnju između centara, pogotovo onih koji ne prisustvuju redovno sastancima Udruženja. Iznio je potrebu za većim angažmanom svih članova Udruženja u aktivnostima, koje se u korist svima. Predložio je posjetu Banjaluci i Mostaru, kao i organizovanje jednog stručnog skupa/simpozija na nivou UNUBiH. Osvrnuo se na neplaćanje članarine pojedinih NH, kao i finansijske obaveze UNUBiH prema EANS i WFNS.

Nakon kraće diskusije, prijedlozi su podržani.

Sjednica Skupštine Udruženja je zaključena u 16:30 sati.

U Sarajevu, 29.6.2022. god.

Zapisnik sačinili i potpisali:

Doc.dr Ibrahim Omerhodžić

Dr Almir Džurlić